



REPUBLIKA E SHQIPËRISË
KUVENDI

PROJEKTLIGJ

Nr. _____, datë _____

PËR DISA SHTESA DHE NDRYSHIME NË LIGJIN NR. 79/2017, "PËR SPORTIN", I
NDRYSHUAR

Në mbështetje të neneve 78 dhe 83, pika 1, të Kushtetutës, me propozimin e Këshillit të Ministrave,

KUVENDI
I REPUBLIKËS SË SHQIPËRISË

VENDOSI:

Në ligjin nr. 79/2017 "Për Sportin", të ndryshuar, bëhen këto shtesa dhe ndryshime:

Neni 1

Në nenin 3, të kreut I, bëhen këto shtesa dhe ndryshime:

1. Pas pikës 6, shtohet pika 6/1 me këtë përmbajtje:
"6/1. "Fondacionet në fushën e sportit", janë organizata jofitimprurëse të themeluara nga institucionet publike apo ente publike, që administrojnë apo ushtrojnë veprimtari sportive dhe që mund të financohen nga buxheti i shtetit dhe të ardhura të tjera të ligjshme."
2. Pas pikës 7/1 shtohet pika 7/1/1 me këtë përmbajtje:
"7/1/1. "Instruktor i përgatitjes fizike" është individi që zotëron diplomë të ciklit të parë dhe të dytë të studimeve, në përputhje me llojin, profilin dhe specialitetin përkatës sportiv dhe që ofron veprimtari dhe programe të aktivitetit lëvizor dhe sportiv."
3. Pika 12 ndryshon si më poshtë:
"12. "Komiteti Paralimpik Kombëtar Shqiptar" është një organizatë e pavarur jofitimprurëse, e cila drejton lëvizjen paralimpike në Shqipëri."
4. Pas pikës 13, shtohet pika 13/1 me këtë përmbajtje:

“13/1 “Lëvizja Paralimpike” është organizim universal dhe i përhershëm për individët me aftësi fizike të kufizuara dhe subjekteve, që janë frymëzuar nga vlerat e olimpizmit në të pestë kontinentet dhe që kryhet nën autoritetin e Komitetit Paralimpik Ndërkombëtar”.

5. Pika 16 ndryshon si më poshtë:

“16. “Organizatë sportive” është Komiteti Olimpik Kombëtar Shqiptar, Komiteti Paralimpik Kombëtar Shqiptar, Federatat Sportive, Olimpiku Special Shqiptar, Klubet Sportive, Shoqëritë Sportive dhe Shoqatat Sportive, të cilat zhvillojnë veprimtari sportive.”.

6. Pas pikës 17 shtohet pika 17/1 me këtë përmbajtje:

“17/1. “Olimpiku Special Shqiptar” është një organizatë e pavarur jofitimprurëse, e cila drejton lëvizjen olimpike speciale për personat me aftësi intelektuale të kufizuara në Shqipëri.”

Neni 2

Në nenin 6, të kreut I, bëhen këto shtesa dhe ndryshime:

1. Pika 4 e nenit 6, të kreut I, ndryshon si më poshtë:

“4. Përveç disiplinës mësimore të përfshirë si pjesë e kurrikulës, aktivitetet sportive në institucionet arsimore parauniversitare dhe në institucionet e arsimit të lartë jashtë procesit mësimor organizohen nga shoqatat sportive shkollore dhe shoqatat sportive universitare, të cilat mund të jenë të një sporti ose të shumë sporteve”;

2. Pas pikës 4 të nenit 6, të kreut I, shtohet pika 4/1 me këtë përmbajtje:

“4/1. Aktivitete sportive në institucionet arsimore parauniversitare dhe në institucionet e arsimit të lartë mund organizohen edhe nga institucionet shtetërore dhe Komiteti Olimpik Kombëtar Shqiptar me projekte për zhvillimin e sportit shkollor dhe universitar.”.

3. Pika 6 e nenit 6, të kreut I, ndryshon si më poshtë:

“6. Federata Shqiptare e Sportit Shkollor dhe Federata Shqiptare e Sportit Universitar, krahas detyrave statutore, kanë edhe këto detyra:

a) Federata Shqiptare e Sportit Shkollor:

i) organizimin e kampionatit të shkollave në të gjitha disiplinat sportive dhe shpalljen e kampionit kombëtar të shkollave;

ii) organizimin e ekipeve përfaqësuese në veprimtaritë ndërkombëtare të sportit shkollor.

b) Federata Shqiptare e Sportit Universitar:

i) organizimin e kampionateve dhe universiadave në të gjitha disiplinat sportive dhe të shpallë kampionin kombëtar të universiteteve;

ii) organizimin e ekipeve përfaqësuese në aktivitetet ndërkombëtare të sportit universitar.”.

Neni 3

Pas shkronjës “d”, të nenit 11, të kreut III, shtohen shkronjat “dh” dhe “e”, me këtë përmbajtje:

“dh) *Olimpiku Special Shqiptar*

e) *Komiteti Paralimpik Kombëtar Shqiptar.*”.

Neni 4

Pikat 1, 2 dhe 3 të nenit 13, të kreut III, ndryshojnë si më poshtë:

“1. *Federatat sportive, Komiteti Olimpik Kombëtar Shqiptar, Komiteti Paralimpik Kombëtar Shqiptar, Olimpiku Special Shqiptar, Organizata Kombëtare Antidoping, Fondacioni Sportiv me themelues ministrinë përgjegjës për sportin/ institucione të qeveriejes vendore/ ente publike financohen me fonde të dhëna nga buxheti i shtetit në formë transfertë, të parashikuara në buxhetin e shtetit, si dhe nga burime të tjera të ligjshme.*

2. *Financimi i federatave sportive olimpike, Komitetit Olimpik Kombëtar Shqiptar, Komiteti Paralimpik Shqiptar, Organizata Kombëtare Antidoping dhe Këshilli i Arbitrazhit Sportiv, Fondacioni Sportiv me themelues ministrinë përgjegjës për sportin/ institucione të qeveriejes vendore/ ente publike transferohen në llogari të bankave të nivelit të dytë, sipas përcaktimeve të udhëzimit të përbashkët të ministrit përgjegjës për sportin dhe ministrit përgjegjës për financat.*

3. *Ministria përgjegjëse për sportin financo federatat joolimpike, Olimpiku Special Shqiptar, Komitetit Olimpik Kombëtar Shqiptar dhe Fondacioni Sportiv me themelues ministrinë përgjegjëse për sportin apo ente publike, me projekte nga buxheti i saj në formë transferte në banka të nivelit të dytë për veprimtari të propozuara prej tyre.”*

Neni 5

Pas nenit 14 të kreut III, shtohet neni 14/1 me këtë përmbajtje:

“Neni 14/1

Komiteti Paralimpik Kombëtar Shqiptar dhe Olimpiku Special Shqiptar

“1. *Komiteti Paralimpik Kombëtar Shqiptar dhe Olimpiku Special Shqiptar janë persona juridik, që organizohen dhe funksionojnë në zbatim të Kodit Civil të Republikës së Shqipërisë dhe kuadrit ligjor për organizatat jofitimprurëse dhe ushtron veprimtarinë në përputhje me Kartën Olimpikë dhe statutin e tij të miratuar nga ministri përgjegjës për sportin, përpara kërkesës për regjistrim në gjykatën kompetente.*

2. *Komiteti Paralimpik Kombëtar Shqiptar është organizata e vetme që përfaqëson Lëvizjen Paralimpikë Shqiptare, parimet e së cilës janë të detyrueshme për t'u zbatuar nga të gjithë*

anëtarët e saj. KPKSH në ushtrimin e veprimtarisë së tij mbështetet në parimet e sistemit ndërkombëtar të sporteve paralimpike dhe rezolutat dhe udhëzimet e nxjerra nga Komiteti Paralimpik Ndërkombëtar.

3. Olimpik Special Shqiptar është organizata e vetme që përfaqëson Lëvizjen Olimpik Special Shqiptare, parimet e së cilës janë të detyrueshme për t'u zbatuar nga të gjithë anëtarët e saj dhe ushtron veprimtarinë në përputhje me marrëveshjen e licencës së akreditimit të Olimpikut Special Botëror "Special Olympics" (SOI).
4. Statuti dhe ndryshimet statutores të Komitetit Paralimpik Kombëtar Shqiptar dhe Olimpikut Special Shqiptar miratohen nga ministri përgjegjës për sportin brenda 60 ditëve nga data e depozitimit. Pas kalimit të këtij afati, Statuti dhe ndryshimet statutores konsiderohen të miratuara në heshtje. Pas përfundimit të kësaj procedure, Statuti dhe ndryshimet statutores regjistrohen në gjykatë.
5. Komiteti Paralimpik Kombëtar Shqiptar dhe Olimpik Special Shqiptar mund të financohen me fonde të dhëna nga Buxheti i Shtetit në formë transferte, si dhe burime të tjera të ligjshme.
6. Ministria përgjegjëse për sportin njihet vetëm një Komitet Paralimpik Kombëtar Shqiptar dhe vetëm një Olimpik Special Shqiptar, dhe asnjë organizatë tjetër nuk mund të ushtrojë atributet e tyre.
7. Në Komitetin Paralimpik Kombëtar Shqiptar aderojnë federatat shqiptare që në statut kanë të përfshirë paralimpik dhe shoqata me veprimtari paralimpike të një sporti të caktuar, organizata të tjera sportive paralimpike dhe persona juridikë me paralimpik të përfshirë, të cilët plotësojnë kushtet e përcaktuara në statutin e këtij Komiteti.”.
8. Në Olimpik Special Shqiptar mund të aderojnë federatat shqiptare ku kanë të përfshirë olimpikun special dhe personat me aftësi të kufizuara, organizata të tjera sportive dhe persona juridikë dhe fizikë, të cilët plotësojnë dhe pranojnë kushtet e përcaktuara në statutin e tij.”

Neni 6

Në nenin 42 të kreut VIII bëhen këto shtesa:

1. Pas pikës 1, të nenit 42, shtohen pika 1/1 dhe 1/2 me këtë përmbajtje:
“1/1 Lojërat olimpik special dhe veprimtaritë me karakter olimpik special organizohen nga Olimpiku Special Shqiptar .
“1/2 Lojërat Paralimpik dhe veprimtaritë me karakter paralimpik organizohen nga Komiteti Paralimpik Kombëtar Shqiptar.”
2. Në pikën 3 të nenit 42 pas fjalëve “Për organizimin e lojërave olimpik....” shtohen fjalët “...dhe olimpik special dhe paralimpik...”.

Neni 7

Pas nenit 58, shtohet neni 58/1 me këtë përmbajtje:

“Neni 58/1

Financimi i Këshillit të Arbitrazhit Sportiv, Komitetit Paralimpik Kombëtar Shqiptar dhe Olimpikut Special Shqiptar

- “1. Këshilli i Arbitrazhit Sportiv realizon ushtrimin e plotë të funksioneve dhe të kompetencave, ndërsa financimi nga buxheti i shtetit fillon pas datës 01.01.2027.*
- 2. Komiteti Paralimpik Kombëtar Shqiptar realizon ushtrimin e plotë të funksioneve dhe të kompetencave, ndërsa financimi nga buxheti i shtetit fillon pas datës 01.01.2027.*
- 3. Olimpiku Special Shqiptar realizon ushtrimin e plotë të funksioneve dhe të kompetencave, ndërsa financimi nga buxheti i shtetit fillon pas datës 01.01.2025.”.*

Neni 8

Hyrja në fuqi

Ky ligj hyn në fuqi 15 ditë pas botimit në Fletoren Zyrtare.

KRYETARI

LINDITA NIKOLLA